

書名 杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷二十八

內容分類 史-政書-歷代通制

索書號 貴重-17

編號 B3510400

卷二十八



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿 掌醢署 太官署 珍羞署

衛尉卿 丞守宮署主簿 武庫署 馬令 武器署 左右都候

宗正卿 丞諸陵署主簿 太廟署 崇玄署

太僕卿 丞典牧署主簿 乘黃署 諸牧監 典廄署

大理卿 正司直丞評事監 獄丞

諸卿附 少卿

屬官有都船令丞水衡都尉有檝權令丞晉曰船曹
吏齊曰官船典軍後周曰舟中士隋為舟檝署令丞
大唐因之令丞各一人○河渠署隋煬帝置令丞各
一人大唐因之

杜氏通典卷第二十七終

杜氏通典卷第二十八

職官十

武官上

將軍總叙

左右衛 并親衛

左右驍衛

左右武衛

左右威衛

左右領軍衛

左右金吾衛

左右監門衛

左右千牛衛

左右羽林衛

左右龍虎軍 左右神武軍附

將軍總叙

三代之制天子六軍其將皆命卿 一萬二千五百人為軍 故夏

書曰大戰于甘乃召六卿蓋古之天子寄軍政於六卿居則以田警則以戰所謂入使理之出使長之之義其職在國則以比長閭胥族師黨正州長卿大夫為稱其在軍則以卒伍司馬將軍為號所以異軍國之名諸侯之制大國三軍次國二軍小國一軍其將亦命卿也晉獻公初作二軍公將上軍則將軍之名起於此也魏獻子衛文子始有將軍之號左傳曰晉謂魏獻子曰豈將軍食之而有不足注曰獻子為中軍卒故謂之將軍又禮記曰將軍文子之喪既除而後越人來弔又家語曰衛將軍文子問於子貢是也文子為衛之將軍名彌牟也自戰國置大將軍周末又置前後左右將軍至秦將軍之言多矣漢興置大將軍驃騎將軍位次丞相車騎將軍衛

將軍左右前後將軍皆金印紫綬位次上卿後漢志曰漢將

軍比公者四謂大將軍驃騎車騎衛將軍掌京師兵衛四夷屯警孝武征

閩越東甌又有伏波樓船及伐朝鮮大宛復置橫海

度遼貳師宣帝增以蒲類破羗權時之制若此非一

亦不常設光武中興諸將軍皆稱大及天下已定武

官悉省後漢志曰其前後雜號將軍皆主征代事訖皆罷四征興於漢代四

安起於魏初四鎮通於柔遠鎮東西南北後漢四平未有之鎮北魏置

止於喪亂魏置晉武帝重兵官故軍校多選朝廷清重

之士居之置中軍將軍以統宿衛七軍及五王作難

東海王越以頃興事皆由殿省乃奏宿衛有侯爵者

皆罷之時殿中武官皆封侯由是出者略盡皆涕泣



而去乃以東海軍領左右衛以國兵宿衛晉宋以
來以領軍護軍左右二衛驍騎遊擊將軍謂之六軍

宋輿服志曰驃騎車騎衛將軍及諸將軍加大者皆
金章紫綬武冠佩水蒼玉諸軍司馬銀章青綬朝服

冠其四安四平左右前後征虜等將軍及四中郎將

晉代荀羨王胡之並居此官宋齊以來唯處諸王素

族無為者齊以二衛左四軍前後左右將五校即漢

校驍騎遊擊積射強弩殿中員外殿中武衛七將軍

殿中司馬左右及虎賁之中郎將冗從僕射宋志曰

射漢東京有中黃門冗從僕射非其職也魏代因其
名而置冗從僕射職官要錄曰本期門之職漢桓帝

時置冗從僕射掌諸散
從其射事則主帥之羽林監武騎常侍謂之西省

而散騎為東省梁武帝以將軍之名高下舛雜命更

加釐定於是有所奏置一百二十五號將軍以鎮衛

驃騎車騎為二十四班內外四征四中為二十三班

四中謂軍
衛撫權八鎮為二十二班東西南北八安為二十

一班東西南北四平四翊為二十班四平東西南北

凡三十六號為重號將軍又有五德將軍忠勇軍師

龍騎雲麾鎮兵翊師宣惠果毅智威仁威勇威
信威嚴威智武仁武信武嚴武謂五德將軍以班

多者為貴凡十品二十四班品十取其盈數班二十

四以法氣序制簿悉以大號居後以為選法自小遷

大也前史所記以位得從公故將軍之名次於台槐

之下至是備其班品叙於百官之外凡一百二十五

將軍後魏將軍之名多矣謂驃騎車騎鎮衛為三將

軍末年有八柱國大將軍其中六人各督二大將軍

事在柱國凡十二大將軍元贊元育元廓侯莫陳順

將軍篇盧寧字文貴賀蘭祥楊又各分統開府二人一開府

領一軍兵是為二十四軍分掌禁旅當瓜牙禦侮之

寄自大統十六年以來功臣位至柱國及大將軍者

衆矣咸是散秩無復統禦後周武帝三年改諸隋煬

帝以左右衛隋初舊名左右屯衛改左右領左右禦衛新

置左右候衛改左右武凡十二衛各置大將軍一人

將軍二人以總府事每衛各置長史錄事參軍司倉

士蓋魏周十二大將軍之遺制大唐武德初秦王既

平王世克及竇建德高祖以秦王功殊今古自昔位

號不足以為稱乃特置天策上將軍以拜焉位在二

公上及升儲宮遂廢天策府二年七月高祖以天下

未定事資武力將舉關中之衆以臨四方乃置十二

軍分關中諸府以隸焉以萬年道為參旗軍長安道

醴泉道為丹鉞軍同州道為羽林軍華州道為騎官

軍寧州道為折威軍岐州道為平道軍幽州道為招

搖軍麟州道為苑遊軍涇州道每軍將一人副一人

取威名素重者為之楊恭仁劉洪基長孫督耕戰之

備自是士馬強勁無敵於天下五年省七年以突厥

寇掠復置十二軍後又省之其後定制有左右衛隋

翊左右驍左右武左右威左右威隋左右領軍左右

金吾金吾隋之左右監門左右千牛凡十六衛大將

軍各一人左右衛及左右金吾總謂之雜衛將軍總三十人

左右千牛衛將軍各一人餘衛各二人左右羽林左右龍武左右神武

六軍大將軍各一人將軍各三人皆有衛署開元十年張

說奏於三輔揀五尺八兵十二萬人謂之曠騎置於南衙每月分番自此以後不復簡點其餘驃

騎輔國鎮軍冠軍四大將軍雲麾勇武壯武宣威明

威定遠寧遠遊騎遊擊等九將軍並為五品以上武

散官先天二年正月十日勅往者衛士計戶取克使

二十一入幕六十出軍既憚劬勞咸欲避匿今改取

二十五以上克十五年即放出頻經征鎮者十年放

出自今以後羽林飛騎先於衛士中簡擇開元十二

年二月勅同華兩州精兵所出地資輦轂不合外支

自今以後更不得取同華兩州兵防

左右衛并親衛

漢京師有南北軍掌理禁衛南軍若今諸衛北軍若

北軍初有衛將軍說在本篇魏末晉文王又置中衛將軍

武帝授禪分中衛為左右衛將軍趙序為右並置

佐吏皆掌宿衛營兵銀章青綬武冠絳朝服佩水蒼

玉宋齊謂之二衛各領營兵每暮一人宿直後增二衛

儀從為九十人陳因之後魏末光初又增置左右衛

將軍各二人北齊二人分掌左右廂所主朱華閣以

外各武衛將軍二人貳之隋初左右衛大將軍各一

人將軍各二人又各統親衛煬帝改左右衛為左右

羽衛又加置親衛并領勳武三衛煬帝改其所領軍三衛為三侍非翊衛府皆無三侍

士名為驍騎大唐復為左右衛大將軍各一人掌宮掖禁

禦督攝將軍各二人軍事○長史各一人晉武帝

置左右衛各有長史司馬東晉省長史歷至宋齊梁

陳後魏北齊並同至隋左右衛各置長史一人大唐

因之○錄事參軍各一人東晉元帝初為鎮東大將

軍置錄事參軍自後無聞梁皇弟皇子府有錄事參

軍各一人後魏二人公府及第一第二第三四將軍

府及始蕃王二蕃王三蕃王府各有錄事參軍官北

齊因之隋左右衛府各有錄事參軍一人大唐因之

○倉曹參軍各二人東晉元帝為鎮東大將軍有倉

曹參軍宋武帝相府亦置後魏與錄事參軍同置北

齊因之隋左右衛府各有倉曹參軍一人大唐因之

置二人○兵曹參軍各二人歷代皆與倉曹同置○

騎曹參軍各一人魏司馬景王為大將軍有騎兵宋

武帝為相有騎兵參軍隋左右衛府有騎兵參軍大

唐初因之其後改為騎曹○曹參軍各一人東晉

元帝為鎮東大將軍有鎧曹參軍宋武帝為相亦有

之齊有左右鎧曹各一人隋左右衛府有鎧曹行參

軍一人大唐因之長安初改為曹曹神龍初復為鎧

曹開元初復為曹凡自十六衛及東宮十率府錄

事及兵倉騎曹等曹參軍通謂之衛佐並為美職漢

魏以來諸將軍有長史以下官屬今諸衛所置蓋亦因其舊號考其職位則全校微矣其下諸衛官儀並同○左右親衛中郎將府中郎將之名秦漢以來有之非今任也刑具中郎將五官左右篇中今中郎將因隋每衛各置開府一員以統之大唐武德七年改開府為中郎將親衛為一府勳衛翊衛各為一府中郎將各一人掌領校尉以下宿衛總判府事大唐武德七年改親衛驃騎將軍為之其勳翊二衛亦然左右郎將一人隋備身府置左右郎將大唐因其名武德七年改親衛車騎將軍為之其勳翊二衛亦然掌二中郎將之職錄事參軍一人掌受府事兵曹參軍一人掌判府

事校尉五人

左右驍衛

漢有驍衛將軍謂之雜號將軍武德以李廣為之後省後漢初改屯衛為驍騎魏置為中軍晉領營兵兼統宿衛梁以來其任愈重天監六年置左右驍騎領朱衣直閣並給儀從北徐州刺史倡義之首為此職出則羽儀清道入則與二衛通直臨軒則升殿夾侍改舊驍騎曰雲騎陳有左右驍騎及雲騎陳韋嗣為驍騎將軍素有名稱每大事恒令夾侍左右時人榮之永平二年詔云左右驍騎宜通文武文官則用心腹武官則用功臣所給儀從同太子二衛率後魏北齊並有驍騎將軍之職後周有

左右驍騎率上士至隋開皇十八年置備身府煬帝
即位改左右備身府為左右驍衛府所領軍士名曰
豹騎其備身府又別置焉大唐因隋置左右驍衛府
龍朔二年去府字光宅元年改左右驍衛為左右武
威神龍元年復舊大將軍各二人所掌與左右衛同
將軍各二人以副之領官屬並隋置大
唐因之同左右衛

左右武衛

後漢末曹公為丞相有武衛營及魏文帝乃置武衛
將軍以主禁旅晉宋齊梁陳隋又有建武奮武廣武
等將軍至隋採諸武之名置左右武衛大將軍一人
將軍各二人以總府事煬帝改所領軍士名熊騎大

唐光宅元年改為左右鷹揚衛神龍元年復為武衛
其制與隋同所掌如左右衛領官屬並隋置大
唐因之同左右衛

左右威衛

隋初有領軍府煬帝改為左右屯衛大唐因之貞觀
十二年左右屯衛始置飛騎出遊幸即衣五色袍乘
六閑馬賜猛獸衣韉而從焉龍朔二年改左右屯衛
為左右威衛而別置左右屯營亦有大將軍等官改尋

左右屯營
為羽林光宅元年改威衛為豹韜衛神龍元年復

舊所掌如左右衛領官屬並隋置大
唐因之同左右
衛龍朔二年左
右威衛舊官之員

外各置錄事參軍一人府三人史
四人並隸左右羽林軍統本司事

左右領軍衛

初魏武為漢丞相相府自置領軍非漢官也建安十
二年改為中領軍以史渙為之與護軍韓浩皆領禁

兵文帝受漢禪始置領軍將軍主五校中壘武衛三

營魏文帝踐祚始置領軍將軍以曹休為之晉武帝初省使中軍將軍羊

祜統二衛前後左右驍騎七軍營兵即領軍之任也

祜遷罷復置北軍中候懷帝永嘉中改中軍曰中領

軍元帝永昌元年復改曰北軍中候尋復為領軍成

帝時復以為中候而陶侃居之尋復為領軍魏晉領

護皆金章紫綬中領中護銀章青綬武冠絳朝服佩

水蒼玉晉郗鑒庾亮紀瞻下壺陸曄褚翼王彪之會稽王子沈嘉武陵王導孔安國謝鯤等並

為領軍宋置領軍將軍一人掌內軍護軍將軍一人掌

外軍齊有領軍及中領軍凡為中小輕同一官也諸

為將軍官皆敬護諸王為將軍相逢則領護讓道領

軍置長史以下官屬梁領軍將軍管天下兵要謂之

禁司與左右僕射為一流中領軍與吏部尚書為一

流梁蕭景為領軍將軍管天下兵要監局官僚皆近

景及職者長於撥繁陳因之後魏有領軍護軍二職

繼居此職並著聲稱又有領軍將軍護軍將軍二將軍與領護不

並置比齊領軍府凡禁衛官皆主之以高歸彥為領

軍大將軍領軍加大自歸彥始隋有左右領軍府各

掌十二軍籍帳差科辭訟之事不置將軍唯有長史

司馬諸曹掾屬等官煬帝改領軍為左右屯衛即今

威大唐復採舊名別置領軍衛分為左右龍朔二年
改為左右戎衛咸通元年復舊光宅元年改為左右
玉鈐衛神龍元年復舊各置大將軍一人掌宮掖禁
備督攝隊伍與左右諸衛同將軍各二人以副之長
齊梁陳並有之北齊有長史司馬隋置一
錄事以下諸曹大唐因之同左右備

左右金吾衛

秦有中尉掌徼循京師

如淳曰所謂遊擊掌徼循禁備盜賊也顏師古曰徼謂遮

繞音工

漢武帝大初元年更名執金吾

應劭曰吾者

華以禦非常顏師古曰金吾鳥名也王辟不祥天子出職主先導以禦非常故執此鳥之象因以名官

緹騎二百人緹騎無秩此史食俸五百六十人輿服導從光生

滿路群僚之中斯最壯矣光武徵時數曰仕舊掌京

師盜賊考按疑事到都竊成王溫舒臧宣等皆截理

橫噬武而冠者也一切理辨亦旋誅黜到都為中尉見者側目號

為蒼鷹後漢掌宮外戒司非常水火之事衛尉巡行宮中金吾徼巡

宮外相為表裏以檢奸討猾月三繞行宮外及主兵器自中興但

專徼循不與他政魏武秉政復為中尉晉初罷直至

後周置武環率武侯率下大夫各二人隋置左右武

候府大將軍一人將軍三人掌車駕出入先驅後殿

晝巡夜察執捕奸非烽候道路水草所宜巡狩師田

則掌其營禁煬帝大業三年改為左右武侯衛所領

軍士名飲飛漢百官表曰漢有左戈令武帝太初元年更名飲飛掌戈射屬少府光武省之

隋氏採舊名大唐又為左右武侯府龍朔二年改為左右

金吾衛置大將軍一人所掌與隋同將軍二人副其事領官屬並隋置大唐因之

左右監門衛

隋初有左右監門府將軍各一人掌宮殿門禁及守衛事各置郎將二人校尉直長各三十人有長史司馬錄事及倉兵二曹參軍鎧曹行參軍各一人二漢有城門校尉掌京師城門屯兵非今任也煬帝改將軍為郎將各一人正四品置官屬並同備身府大唐左右監門府置大將軍中郎將等官龍朔二年改府為衛大將軍各一人所掌與隋同將軍各二人以副之中郎將各四人分掌諸門以時巡檢領官屬並隋置大唐因之

左右千牛衛

千牛刀名後魏有千牛備身掌執御刀因以名職宋拾遺有千牛刀即人君防身刀也齊尚書楊玉夫取千牛刀殺蒼梧王是也其義蓋取莊子云庖丁為文惠君解牛十九年所割者數千牛而北齊千牛備身屬左右將軍隋左右領左右府大將軍一人將軍二人掌侍衛左右供御兵仗領千牛備身十二人掌執千牛刀備身左右十二人掌供御刀箭備身十六人掌宿衛侍從左右長史司馬錄事參軍及倉兵二曹參軍事鎧曹行參軍煬帝改左右領左右府為左右備身府置備身郎將等官大唐貞觀中復為左右領左右府顯慶五年始置左右千牛府龍朔二年改左右千牛府為左右奉宸衛後改為左右千牛衛神龍二年各置大將軍二人以初

安國相王為千牛衛八將所掌與隋同總判衛事將

軍是時王以帝位左右千牛備身各十二人龍朔中

軍各一人以副之中郎將各一人通判衛事諸官屬

右領左右府長史左右千牛備身各十二人龍朔中

以下大唐改之右奉裕成通初復舊垂拱二年掌執御刀宿衛侍從

又改為奉裕神龍元年復舊皆以高蔭子弟年少姿容美麗者補之花備身左右

十二人執御刀弓箭備身各一百人掌宿衛

左右羽林衛

漢武太初元年初置建章營騎後更名羽林騎言其

為國羽翼如林之盛顏師古曰言如羽之疾如林之

也宣帝令中郎將騎都尉監羽林謂之羽林中郎將

領郎百人謂之羽林郎選隴西漢陽安定北地西河

上郡良家子便弓馬者以為之一名嚴嚴郎言其禦侮

嚴除之下後漢志曰言從遊獵還宿殿階嚴下室中

又置羽林左右監後漢志曰羽林左監一人主羽林右騎

皆六取從軍死事之子孫養之羽林官教以五兵號

曰羽林孤兒五兵謂弓矢戈矛光武中興以所征伐士勞苦

者為之其後復簡五營高手別為左右監羽林父死

子繼與虎賁同所居之署謂之寺延熹六年減虎賁

半奉二漢並屬光祿勳後漢書國都魏羽林左右監

與漢同夏侯玄為右晉罷羽林中郎將又省一監置

一監而已哀帝省宋武帝末嘉初復置江右領營兵

江左無復營兵羽林監及虎賁中郎將並銅印墨綬

武冠絳朝服其在陛列則鵠尾冠鵠鳥每鬪死不止絳紗縠

單衣江左不復著鵠冠齊因之後魏有羽林監北齊

置監十五人後周有左右羽林率屬大司馬隋煬帝

改左右領軍為左右屯衛所領兵為羽林大唐貞觀

十二年於玄武門置左右屯營以諸衛將軍領之其

兵名曰飛騎又於飛騎中簡才力驍捷善射者號為

百騎扈從遊幸則衣五色袍乘六閑馬賜猛獸衣韉

龍朔二年改左右屯營為左右羽林軍武太后臨朝

求昌元年改百騎為千騎天授中改軍為衛中宗景

龍元年改千騎為萬騎大將軍一人大定元年左右羽林衛各增置

將軍所掌與左右衛同將軍各三人以副之並大

置

左右龍武軍

大唐之初有禁兵號為百騎屬羽林永昌元年改羽

林百騎為千騎景龍元年改千騎為萬騎仍分為左

右營開元二十六年析羽林軍為左右龍武軍以左

右萬騎營隸焉官屬並大唐置至德中分置左右神武軍各置官屬如羽林之制